



NOVAS DA LAAX – INVIT ALLAS UNIUNS

Las **Novas da Laax** rapportan mintgamai alla fin dil meins da caussas interessantas ed informativas, specialas e remarcablas dalla vischnaunca. Sco fegliet d'informaziun envida quei organ era las uniuns dil vitg da sepresentar silla plattafurma nova. Cheutras intimein nus tuttas uniuns cordialmein da profitar dalla caschun. Sei gi occurrentzas captivontas pintgas e grondas, far reclama per novas commembraas e commembers, in giubileum rodund ni in purtret cuort dallas activitads dall'uniun: Schei prender part nus e las lecturas ed ils lecturs da quei che va ell'uniun. Las «**Novas da Laax**» selegran d'astgar rapportar dallas activitads multifaras, la redacziun susteign ellas era bugen da scriver ils texts. Propostas ed impuls prendein nus encuter cun in email all'adressa admin@laax-gr.ch.

Franz Gschwend
President communal



Quei link meina Vu stier las Novas da Laax en romontsch e tudestg.

GIUBILEUM 25 ONNS BIBLIOTECA LAAX

Ils 16 e 17 da settember festivescha la Biblioteca da Laax siu giubileum da 25 onns cun in di dallas portas aviartas, ina fiera da plugns, zambergiar per affons ed in legn per tuts. Allas 16.00 prelegia la giuvna autura Laura Schütz da siu roman «Hotel Destin».

IMPRESSUM:

Novas da Laax, Vischnaunca Laax
Cumpara: la davosa ediziun dil meins
Ideas per tematicas: tochen ils 10. dil meins
Redacziun: Domenica Flütsch
Contact: admin@laax-gr.ch



Senda dil Dragun.

Philip Ruggli

GL'UAUL DA LAAX, IN SCAZI

Pertuccont il livel da stress digl uaul sa il selvicultur da revier Maurus Cavigelli relativar la situazion. «Ils dus onns vargai ein stai bletschs e humids, aschia seteign il stress da schitgira en cunfins. Sch'eit dat denton gl'unviern proxim pauca neiv ed ei havess da dar pliras stads da calira, lu vegn ei grev era per nies uaul, cunzun per plontas che creschan sin crests e loghens exponi», explicescha el ed aschunta che las plontas seigien entochen ussa aunc detg resistentas encuter il bau-scorsa, «lez ei per cletg aunc buca in tema», di Cavigelli ch'eit dapi 1996 selvicultur dil revier Sagogn-Laax. Aunc suenter tons onns lavura el cul medem grond plascher sco all'entschatta per la natira. Era dil success dalla senda da tschemas ha el grond plascher: «Cun quella eis ei gartegiau d'avischinar la glieud a moda attractiva agl uaul, senza che quel hagi pitiu grondamein gindlunder».

La senda da tschemas ha retschiert il num official «Senda dil Dragun». Dapi la stad 2021 ha Laax cun ella ina attracziun dapli. Pli che 100'000 persunas han

scuvretg dapi l'avertura quella passarel la da 1560 meters, alzada ora tochen 28 meters tras gl'uaul, sur il terren carsschiu denter Murschetg e Dimplau. Gl'emprem onn da menaschi san ins valletar sco grond success. Dapi il fenadur 2021 posseda Laax la pli liunga senda da tschemas dil mund, passond sin quella ein ils visitaders sill'altezia d'in uaul variont e structurau. Las duas tuors d'entrada ein sesviluppadas gia suenter cuort temps sco attracziuns principales, ils affons ein fascinai dalla ruschnera en forma da spirala cun sia lunghezia da 73 meters.

Scamond absolut da far fiugs

Malgrad la plievgia ch'eit ha dau dacuort resta il prighel da fiug acuts. Vinavon eis ei scumandau strictamein d'envidar fiugs ora el liber e da fierer naven rauba da finmar. Quei scamond includa era las fueinas fixas installadas ordeifer ils habitatdis. La suprastonza communal spera che la populaziun capeschi quella mesira rigurusa ch'ins ha stuiu prender.

UNIUN DA COMMERC E MISTREGN ALPENARENA: SUCCESS ALLA FIERA DIL VITG



Impressionen Dorfmarkt 2022.

zVg

Ils 30 da fenadur han ins finalmein puspei astgau flanar tras la fiera amiez il vitg e fuffernar, tschintschar in cun l'auter, marcadar e star da cumpignia. La bial'aura ei stada d'engra ed ha contribuiu ch'igl ei daventau in eveniment propi gartegiau. Per l'Uniun da commerci e mistregn Arena dallas Alps (UCMA) eis ei stau ina digna fiesta giubilara per siu anniver-

sari da 30 onns. Da quei da 50 stans han purschiu rauba e survetschs multifars e gl'rtisanadi local e regional han giu caschun da sepresentar. Musica e culinarica han embelliu e cumplettau la fiera. L'UCMA ei s'exprimida fetg cuntenta cun quell'occurrenza da stad: «Nus tuts havein giu enorm plascher, igl ei stau bi da sedivertir culs visitaders. Igl ei era stau ina buna caussa per tgirar il contact denter ils commembers da noss'unun. Malgrad che nus havein giu fetg bia lavur, eis ei stau legher e nus havein gudiu la cumpignia. Igl ei stupent che nus havein astgau organisar puspei la fiera dil vitg, che quella ei stada in grond success fa tonpli plascher», ha la suprastonta *Susanne Kissig* manegiau.

Dapi 1990 unescha l'UCMA las fatschentas pintgas e mesaunas dallas pli differentas branschas da nossa vischnauncas e dallas vischinontas. Ellas contribueschan cheu-

tras activamein al svilup economic ell'Arena dallas Alps ed alla creaziun da valur per indigens, hospes e habitants secundars. L'uniun dumbra dapresent rodund 120 commembers da Flem, Laax, Falera, Sogn, Schleien e Trin. Organisar la fiera dil vitg a Laax ei ina da sias competenzas. L'UCMA s'engascha pils interess dallas fatschentas pintgas e mesaunas enviers las autoritads, il turissem e la publicidad. Ella sestenta cun tutta forza per in svilup persistent che vegn dabien all'economia dall'Arena dallas Alps.

Ulterius informaziuns pertuccont l'UCMA mira:
www.hgva.ch

VERANSTALTUNGEN MUSEUM LAAX

Referat «Aua custeivla»

Vendergis, 26 d'ost 2022: Il cau-fontauna Simon Caviezel presenta siu sectur da lavur multifar e dat envesta el sistem complex da nies provediment d'aua e dalla dismessa da quella. Entschatta: 19.30.

Viseta dil vitg e dil museum

Vendergis, 1. e 15 da settember 2022, allas 16.00.
La girada tras il vitg muossa caussas e fatgs interessants sco era enqual object zappau. La spassegiada finescha cun in refrestg ed ina guidada tras il museum local ell'antierira sennaria.

«Laufend Romanisch lernen»

Vendergis, 6. e 20 da settember 2022: Duront ina spassegiada pacifica tras il vitg emprendan ins cuntinuadamein ina buccada romontsch. Alla fin spetga in refrestg ed ins astga scriver l'emprema atgna carta postala «romontscha».

S'entupar allas 16.00 sil parcadi sper il Lag Grond.

Caffé da notg el museum:

Vendergis, ils 16 da settember e 14 d'octobre 2022: Serasontga cumadeivla egl ambient historic. Ellas localitads dil museum astgan ins flanar, debattar, sco era entscheiver cun in migiel vin ni in'autra bubronda la fin d'jamna. Urari: Dallas 18.00 tochen mesanotg.

Ina survesta da tuttas occurrentzas anfleis Vus online sut www.flimslaax.com/events

MUSEUM DA LAAX «AUA CUSTEIVLA E PLEMA GITA»

Nies bi museum local ch'ei domiciliaus ell'antierira sennaria porscha cun sia exposiziun stabla ed interessantas exposiziuns specialas adina puspei caschuns da far ina viseta. Aunc tochen la fin d'october san ins gest admirar treis exposiziuns entuorn la tematica «Aua custeivla e plema gita».

L'exposiziun «Aua custeivla» sedediche-scha en maletg, text ed experiments all'aua, il provediment d'aua sco era la producziun d'energia, e quei antruras sco ozildi. Vitier muossa igl alpinist, fotograf ed autur grischun **Arno Mainetti** ina elecziun da sias fotografia impressiu-

nontas che muossan la bellezia dallas auas indigenas. In highlight ein las caricaturas marcantas dil renomau **Hans Moser**. Las ovras plein humor e fatgas a moda grondiusa culla plema gita anime-schan da surrir ed era da ponderar co il carstgaun va entuorn cullas e drova las resursas naturalas.

L'exposiziun stabla muossa objects e fatgs interessant sed informativs digl artisanad, historia e tradizion sco era svilup dil pign vitg da purs agl enconuscent resort turistic. Quell'exposiziun meina ils visitaders anavos el mund muntagnard d'antruras.